



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 1. Sessio XXIV. Concilii Tridentini.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)



Finis Concilii Tridentini.

Nauber Sc. A. 2.

HISTORIÆ
ECCLESIASTICÆ

CONTINUATÆ
LIBER CLXVII.

PIUS IV. PONTIFEX MAXIMUS,
FERDINANDUS I. OCCID. IMP.

§. I.

Sessio XXIV. Concilii Tridentini.

Sæcul. XVI.

A.C. 1563.

Cum omnia, prout in priori libro me-
moravimus, essent disposita, una
omnes eo intenti erant, ut Sessio,
quæ erat vigesima quarta, celebrare-
Lab. Collect. Conc. tom. 14. p. 814. & seq.
Hist. Eccles. Tom. XLVII. A tur,

Sæcul. XVI
A.C. 1563.

Fallav. hist.
Conc. Trid.
l. 23. c. 8. n. 7.
Es seq.
Sarp. hist.
Conc. l. 8.
p. 765.

tur, cui etiam mane die undecima No-
vembris dabatur initium, atque ad fe-
ram usque noctem protrahebatur. Ce-
lebrabat solemne sacrum de Spiritu San-
cto Georgius Cornarus, seu Cornelius
Travisanus Episcopus, Franciscus vero
Richardotus Atrebatensis Episcopus ser-
monem latinum pronuntiabat, ac pro-
themate assumebat Evangelium ex ca-
pite vigesimo primo S, Joannis postea
recitatum, ubi mentio fit de miraculo,
quod Christus Dominus patrabat in nu-
ptiis Canæ Gallileæ: porro hic textus
studiose feligebatur, eoquod Matrimo-
nii Sacramento, quod in hac Sessione
definiendum erat, percommodus esset:
inter cetera vero idem Præsul in suo
sermone hæc effatus est: „jam totum
„biennium hæc sanctissima Synodus
„parturit, omnesque in summam expe-
„ctationem adducit ejusdem partus,
„non ergo convenit, ut foetum aliqua
„sui parte truncatum, aut mutilatum
„in lucem emittat, cum prolem solidis
„membrorum artubus præditam, &
„partum integrum orbis expectet: id
„vero ut ad effectum deduci queat, in
„Apostolos intuendum, & in Martyres, &
„Ecclesiam antiquam, eaque sibi propo-
„nenda est in exemplar, unde prolis
„nascituræ similitudo, & lineamenta
„sumantur: hæc eadem sit doctrina,
„reli-

„religio, eademque disciplina; quæ o- Sæc. XVI.
 „mnia cum his temporibus degenera- A.C. 1563.
 „rint, in pristinum statum restituantur,
 „nam hoc illud esse comperitur, quod
 „tamdiu expectationem totius Chri-
 „stianæ Reipublicæ excitavit, atque
 „etiamnum excitat. „ His dictis, per-
 „actaque re divina recitabantur literæ
 Margarithæ Austriacæ Belgii Admini-
 stratricis, necnon juxta ordinem, quo
 Tridentum venerant, Florentini, &
 Melitensis Oratorum mandata prælege-
 bantur.

§. II.

Expositio doctrinæ de Matrimonii Sacramento.

Postea idem Prælati, qui sacris ope- Labb. l. 6.
 rabatur, alta voce Canones, & de-
 creta circa Matrimonium recitabat:
 præmiserat tamen brevem præfationem,
 seu introductionem, quæ continebat ex-
 positionem doctrinæ de hoc Sacra-
 mento, eratque illa his concepta ver-
 bis: „Matrimonii perpetuum, indif-
 „solubilemque nexum, primus humani
 „generis parens divini Spiritus instin-
 „ctu pronuntiavit, cum dixit: Hoc Genes. II.
 „nunc os ex ossibus meis. & caro de v. 23.
 „carne mea: quam ob rem relinquet ho- Ephes. 5.
 „mo patrem suum & Matrem, & adhæ- v. 31.
 „rebit uxori suæ, & erunt duo in car- 1. Cor. 6. v. 17